



## MINISTARSTVO UNUTRAŠNJIH POSLOVA KANTONA SARAJEVO

### **Predmet : Hitna inicijativa**

Upućujemo inicijativu da se Rješenje broj: 02/9 - RZJO-6635/24 od 10.05.2024 godine kojim zabranjujete održavanje mirnog okupljanja u pokretu stavi van snage i novim Rješenjem omogućite održavanje mirne protestne šetnje pod nazivom 'Tražimo obrazovanje po mjeri učenika i njegovih učitelja' u organizaciji SSOOIO FBiH- Kantonalni odbor. Odluka koju ste donijeli protivna je temeljnim pravima svakog slobodnog i aktivnog demokratskog društva koja svakom pojedincu/ki ili društvenoj grupi trebaju omogućiti da organizovanjem javnih događaja , u ovom slučaju mirne protestne šetnje, iznesu svoje stavove i ukažu na probleme sa kojima se suočavaju. Vaše Rješenje je zloupotreba Zakona o javnom okupljanju i člana 16 stavak f) na osnovu kojeg ste naše najobrazovanije, najčasnije i najodgovornije profesionalce , prosvjetne radnike predstavili kao prijetnju po sigurnost ljudi i imovine Kantona Sarajevo. Kako nemate dokaze za ovakve tvrdnje može se zaključiti da ste zloupotrijebili položaj, da vršite opstrukcije i manipulacije javnosti i štitate interes vladajuće političke strukture. Ujedno nanosite ogromnu štetu prosvjetnim radnicima , profesiji najvažnijoj za jedno društvo i saučesnik ste retrogradnog procesa kojim se sprečava unapređenje obrazovanja kao najvažnijeg stuba svakog društva.

### **Obrazloženje:**

Na zahtjev SSOOIO FBiH- Kantonalni odbor radi održavanja mirne protestne šetnje pod nazivom 'Tražimo obrazovanje po mjeri učenika i njegovih učitelja' planirane za dan 14.05. 2024 godine donosite Rješenje broj :02/9 - RZJO-6635/24 kojim zabranjujete održavanje ovog javnog skupa.

Pravo na slobodu mirnog okupljanja garantovano je Ustavom Bosne i Hercegovine, Ustavom Federacije BiH, ujedno ova prava garantuju i pravni instrumenti definisani brojnim međunarodnim sporazumima koji su na snazi u Bosni i Hercegovini, među kojima je Univerzalna deklaracija o ljudskim pravima, Evropska konvencija o zaštiti ljudskih prava i temeljnih sloboda i njeni Dodani protokoli koji imaju prvenstvo nad svim drugim zakonima.

Obzirom da javnosti niste prezentirali dokaze na osnovu kojih vršite klasifikaciju mirne protestne šetnje kako navodite u Rješenju „... iz razloga postojanja stvarne opasnosti da bi održavanjem mirnog okupljanja bila ugrožena sigurnost ljudi i imovine ili bi došlo do stvarne opasnosti od nasilja ili narušavanja javnog reda i mira u većem obimu “ i obzirom na zloupotrebu Zakona o javnom okupljanju bez pravne valjanosti očekujemo da postupite na osnovu zahtjeva ove inicijative.

U Sarajevu 13.05.2024 godine  
Kub Demokratske fronte Skupštine KS

